

**KERATAN AKHBAR-AKHBAR TEMPATAN
TARIKH: 15 DISEMBER 2015 (SELASA)**

Bil	Tajuk	Akhbar
1.	Pusat sokongan halal global halal ditubuhkan	BERNAMA
2.	Iktiraf sumbangan	Harian Metro
3.	Negara Islam perlu kuasai pasaran dunia	Utusan Malaysia
4.	Malaysia, negara Islam lain perlu terajui industri halal global – Ahmad Zahid	BERNAMA
5.	Maju produk halal	Harian Metro
6.	Eradicate Islamophobia	The Star
7.	UTM, Universiti Cambridge kaji mekanisme syngas	Sinar Harian
8.	Malaysia terselamat banjir ekstrem	Kosmo
9.	Tiada banjir besar di Malaysia tahun ini	Kosmo
10.	Sabah mungkin terkena ekor Taufan Melor	Kosmo
11.	Angin kencang dijangka berterusan sehingga Ahad	BERNAMA
12.	Yellow alert in Pahang, Terengganu and Johor	New Straits Times
13.	More wet days ahead	The Star
14.	More nasty weather to come	The Star
15.	Rains unleash pothole mayhem in Klang Valley	The Star
16.	JKKK dan agensi berkaitan diarah pantau ketat situasi banjir di Melaka – Ketua Menteri	BERNAMA



Pusat Sokongan Halal Global Halal Ditubuhkan

KUALA LUMPUR, 14 Dis (Bernama) -- Pusat Sokongan Halal Global (GHSC), sebuah pusat data dan maklumat yang bertujuan untuk mempromosikan Malaysia sebagai fokus rujukan dunia dalam perkhidmatan berkaitan dengan hukum halal telah ditubuhkan.

[Menteri Sains, Teknologi dan Inovasi, Datuk Seri Madius Tangau](#) berkata GHSC juga akan memberikan sokongan kepada syarikat-syarikat Malaysia dan penyedia perkhidmatan dalam sektor-sektor berkaitan halal.

"Ini termasuk pengetahuan mengenai integriti halal, maklumat mengenai pensijilan halal dan pembinaan keupayaan dan peluang pelaburan di Malaysia," kata beliau pada Persidangan Halal Institut Piawaian dan Metrologi bagi Negara-negara Islam (SMIIC) selama dua hari di sini.

[Teks ucapan beliau dibacakan oleh Timbalan Menteri Sains, Teknologi dan Inovasi, Datuk Dr Abu Bakar Mohamad Diah.](#)

Pusat ini telah ditubuhkan oleh Perbadanan Pembangunan Industri Halal (HDC), sebuah syarikat di bawah Kementerian Perdagangan dan Industri Antarabangsa.

Pembukaan GHSC adalah sejajar dengan inisiatif strategik di bawah Pelan Induk Industri Halal Malaysia ke arah menjadikan Malaysia sebagai hab halal antarabangsa yang terkemuka.

Katanya, pensijilan halal ke atas produk makanan pengguna dan barangan di Malaysia telah bermula sejak dari tahun 1974.

"Jabatan Standard Malaysia, Jabatan Kemajuan Islam Malaysia dan HDC meneraju struktur tadbir urus dan pengurusan halal di dalam negara ini.

"HDC bertindak sebagai agensi sehati dalam pembangunan industri halal negara yang mempunyai rantaian nilai halal yang menyeluruh," katanya.

Timbalan Perdana Menteri, Datuk Seri Dr Ahmad Zahid Hamidi, melancarkan persidangan Halal SMIIC yang menyaksikan penyertaan 32 negara.

SMIIC bertujuan untuk menghapuskan halangan-halangan teknikal kepada perdagangan halal dan bertujuan menubuhkan satu sistem akreditasi bagi memanfaatkan ekonomi halal yang dianggarkan bernilai US\$2.3 trilion.

-- BERNAMA

KERATAN AKHBAR
HARIAN METRO (AGRO) : MUKA SURAT V7
TARIKH : 15 DISEMBER 2015 (SELASA)

Ketua Pengarah Institut Penyelidikan Perhutanan Malaysia (FRIM) Datuk Dr Abd Latif Mohmod menerima Anugerah Perdana bagi Kategori Tokoh Buku Penyelidikan 2015 daripada Yayasan Pembangunan Buku Negara (YPBN).

Anugerah disampaikan Timbalan Perdana Menteri Datuk Seri Dr Ahmad Zahid Hamidi pada Majlis Anugerah Buku Negara di Pusat Dagangan Dunia Putra (PWTC), Kuala Lumpur, baru-baru ini.

Pemilihan Abd Latif sebagai penerima anugerah ini mengiktiraf sumbangan beliau mempelopori usaha menterjemah penerbitan saintifik FRIM kepada bentuk buku mesra ilmu yang lebih mudah difahami.

Abd Latif yang dilantik sebagai Ketua Pengarah FRIM pada 2008 menghasilkan lebih 300 penulisan saintifik berkaitan bidang alam sekitar ketika

**AHMAD
Zahid Hamidi
menyampaikan
anugerah kepada
Abd Latif.**



Iktiraf sumbangan

berkhidmat sebagai pegawai penyelidik FRIM.

Beliau dipilih sebagai Top Research Scientist Malaysia pada 2013 dan dilantik sebagai felo Akademi Sains Ma-

laysia sejak 2014.

"Saya bersyukur kerana dipilih menerima anugerah ini dan berharap dengan pengiktirafan ini lebih banyak lagi buku penyelidikan nega-

ra yang dapat diterjemahkan untuk manfaat masyarakat umum," katanya.

Di bawah pentadbiran beliau, FRIM berjaya menghasilkan lebih 214 judul penerbi-

tan rasmi bagi menyebarkan maklumat penyelidikan termasuk 22 buku mesra ilmu.

Empat daripada buku mesra ilmu meraih Anugerah Buku Negara Kategori Buku Teknikal Terbaik, Buku Umum Terbaik (Sains) dan Anugerah Perdana Kategori Penyelidikan pada 2010, 2012 dan 2013.

Sementara itu, Penyelidik FRIM, Dr Nor Azah Mohamad Ali antara yang dipilih sebagai penerima Anugerah Sainitis Penyelidikan Terbaik Malaysia (TRSM) Akademi Sains Malaysia (ASM) tahun ini.

Beliau bersama 13 saintis lain menerima sijil TRSM yang disampaikan Menteri Sains, Teknologi dan Inovasi Datuk Seri Wilfred Madius Tangau di majlis pengumuman dan penyampaian sijil TRSM di Pusat Konvensyen Kuala Lumpur (KLCC) sempena Perhimpunan Agung ASM Ke-8, baru-baru ini.

Nor Azah adalah penyelidik cemerlang yang pernah menerima Anugerah Sainitis Terbaik

FRIM pada 2009; 'Scientific Achievement Award' IUFRO (2010) dan Anugerah Penyelidikan Terbaik (2015).

Beliau mempunyai pengalaman 28 tahun dalam penyelidikan sebatian kimia semula jadi terutama dalam bidang minyak pati berkaitan dengan perhutanan, pertanian dan industri herba.

Sebagai Ketua Program Pembangunan Produk Herba FRIM, beliau terbabit secara aktif dalam penyelidikan minyak pati, herba dan pembangunan produk kosmesutikal di FRIM.

Skop penyelidikan termasuk teknologi ekstraksi minyak pati, penilaian 'deria hidu', pemprofilan kimia, bioaktiviti dan formulasi produk.

Hasil usaha Nor Azah dalam penyelidikan minyak pati, beliau membangunkan perpustakaan minyak pati dengan koleksi lebih daripada 160 spesies tumbuhan.

